



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 3.8.2017

Presidi: Peer-Puorger Victor
Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s:

tractandas	tema	responsabel
99	012 Executiva Acconsentimaint protocol	tuots
100	021 Administraziun da fabrica Dum. da fabrica no. 038/2017, ingrondimaint e müdamaint da fanestras, isolaziun fatschada, Scherer Andreas, parcella 6200, Chaflur, 7558 Strada	vp/ap
101	021 Administraziun da fabrica Dum. da fabrica no. 040/2017, sanaziuns internas, ingrondimaint i'l tablà, pumpa da chalur cun sondas geotermicas, Krieg Tobias, parcella 6456, Bügl Sura, 7559 Tschlin	vp/ap
102	021 Administraziun da fabrica Dum. da fabrica no. 029/2017, stalla nouva per chavagls, Soldano-Demonti Raffaele, parcella 448, Tulai, 7558 Strada	vp/ap
103	021 Administraziun da fabrica Dum. da fabrica no. 044/2016, fabricchar oura chasa e tablà, Federer Bernhard, parcella 24, Bügl Grond, 7557 Vnà	vp/ap
104	021 Administraziun da fabrica Dum. da fabrica no. 037/2017, front da fanestras cun uschöls in lain, Wieser Marco, parcella 10, Bügl Cuosp, 7557 Vnà	vp/ap
105	200 Scoula Mainascoulas / pensum da lavur	vp/mf
106	200 Scoula Scoula d'economia	vp/mf
107	700 Provedimaint d'aua Infrastructura Quadra Secha Dumonda per ün credit da fr. 45'000 per la lingia d'aua da squitsch cun idrant	vp/ap
108	861 Utilisaziun da la rait Fits d'aua / contribuziun extraordinaria a la IBK	vp/mf

109	801 Vias champestras Surpassamaint vias champestras	vp/mf
110	140 Pumpiers e pulizia da fö Corp da pumpiers / taxa da cumpensaziun / dumonda da relasch	vp/mf
111	012 Executiva Orientaziuns	tuots
112	012 Executiva Varia (suprastanza cumünala)	tuots

012 Executiva

99 **Acconsentimaint protocol**

Il protocol dals da la sezzüda dals 18 lügl 2017 vegn approvà.

021 Administraziun da fabrica

100 **Dum. da fabrica no. 038/2017, ingrondimaint e müdamaint da fanestras, isolaziun fatschada, Scherer Andreas, parcella 6200, Chaflur, 7558 Strada**

Previs esa d'ingrondir las fanestras illa fatschada vers vest, quai in möd analog a quellas dal stabilimaint vaschin. La dumonda es statta publichada ed i nu sun entrats ingüns recuors. La suprastanza decida da conceder il permiss da fabrica.

021 Administraziun da fabrica

101 **Dum. da fabrica no. 040/2017, sanaziuns internas, ingrondimaint i'l tablà, pompa da chalur cun sondas geotermicas, Krieg Tobias, parcella 6456, Bügl Sura , 7559 Tschlin**

Il petent prevezza ün pitschen ingrondimaint i'l tablà sco eir d'effetuar diversas lavuors da sanaziun internas. Vers inoura nu sun previs ingüns müdamaints. La dumonda es statta publichada. A regard las fouras geotermicas manca amo il permiss davart da l'uffizi da construcziun bassa (distanza vers la via maistra damain co 5 m) sco eir il permiss da l'uffizi da pulizia da fö.

La suprastanza decida da conceder il permiss da fabrica, il qual vain protramiss cur cha la documainta es cumpletta.

021 Administraziun da fabrica

102 **Dum. da fabrica no. 029/2017, stalla nouva per chavagls, Soldano-Demonti Raffaele, parcella 448, Tulai, 7558 Strada**

Previs es da construir üna stalla per duos chavagls ed üna remissa cun ün pitschen tablà sülla parcella vers ost. Ultra da quai vegn ingrondida la piazza da parcar. Il petent ha müdà il proget in möd cha'l conflict culla zona es uossa scholt. La dumonda es statta publichada. Dürant quel temp es entrà ün recuors cunter l'intent da fabrica. La suprastanza piglia cogniziun cha latras vain uossa il proceder sisti. I vain uossa pretais la posiziun davart dal patrun da fabrica.

021 Administraziun da fabrica

103 **Dum. da fabrica no. 044/2016, fabbricar oura chasa e tablà, Federer Bernhard, parcella 24, Bügl Grond, 7557 Vnà**

La dumonda vaiva stuvü gnir refüsada repetidamaing per adattar il proget resp. las lucarnas previssas a las prescripziuns da la ledscha da fabrica. Uossa es quella avantman in möd cha tala as cunfà cullas prescripziuns da la ledscha da fabrica. Las lucarnas accomplischan uossa las masüras admissas. Quella vers süd po avair üna surfatscha maximala da 9,2 m2 e quella vers nord da 7,86 m2.

La suprastanza conceda il permiss da fabrica. Quist cas stantus ha chaschunà gronda lavur ed ingaschamaint implü e perquai decid'ella d'inchargiar üna taxa da trattamaint da frs. 960.00, quai sper la taxa pel permiss da fabrica.

Reguard las fatschadas decid'ella da giavüschar cha quellas gnian ornadas cun sgrafit.

021 Administraziun da fabrica

104 **Dum. da fabrica no. 037/2017, front da fanestras cun uschöls in lain, Wieser Marco, parcella 10, Bügl Cuosp, 7557 Vnà**

Il petent vaiva acquistà üna chasa a Vnà. Quel prevezza da construir illa part sura da la chasa üna front da fanestras. Il problem es però ch'intant prevezza quel be las fanestras ed ingün müdamaint d'adöver dal tablà. La suprastanza riva a la conclusiun, chi nun es pussibel da conceder uschè il permiss pella front da fanestras sainza chi vain fat ün müdamaint d'adöver e decida da refüsar la dumonda. Ün tablà muni be cun fanestras nun es realistic.

Cul patrun da fabrica e cun seis architect es gnüda fatta üna visita occulara e là tils es eir gnü fat cler, ch'ün permiss nu po gnir concess. Davart da la cusgliadra da fabrica es avantman la posiziun, our da la quala resulta cler, ch'ün permiss nu possa gnir concess.

Davart da la cumischiun da privel es gnü infuormà, cha schi nu dà ingün müdamaint d'adöver dal tablà nu vain valütada la situaziun da privel. La suprastanza es pronta da trattar la dumonda in connex cul intent per fabricar oura il tablà.

200 Scoula

105 **Mainascoulas / pensum da lavur**

Davart dal cussagl da scoula vain inoltrada la dumonda per ün augmaint dal pensum da las mainascoulas. Quel ha constatà, cha per accumplir tuot las lezchas e lavuors da las mainascoulas nun es il pensum da 40% plü sufficient. Il cussagl da scoula vaiva lura giavüschà üna registraziun dal temp da lavur da quellas. Da quella resulta ün pensum effectiv da 67%. Implü spetta ils prossems 5 ons süllas scoulas in nos Chantun üna gronda sfida cull'introducziun dal plan d'instrucziun 21 (LP21). Our da tuot quels motivs dumonda il cussagl da scoula per ün agumaint da 40%, dimena sün 80%, quai per ün pensum fix da 65% e per ün temp limità (fin l'on 2020/21) ün pensum supplementar da 15%.

La fatschenda es argumentada ed in basa a quella es la suprastanza perincletta cun quai. Ella decida d'aderir a la dumonda dal cussagl da scoula sco survart circumschritta.

200 Scoula

106 **Scoula d'economia**

Causa la sortida da duonna Marianne Prevost bsögna quai d'eleger üna substituziun pel rom «cuschinar. A cuorta vista vaiva surtut quella Anna Mengia Correia Santos Etter e sia sour Cilgia. Quella füss pronta da surtour la substituziun per quel rom pel on da scoula 2017/18. Davart da la mainascoula vain dumondà per quella tscherna.

La suprastanza es perincletta culla tscherna d'Anna Mengia Correia Santos Etter sco substituziun per M. Prevost pel on da scoula 2017/18. A Marianne Prevost, chi'd es ida in pensiun ingrazch'ella cordialmaing pel fidel e conscienzius ingaschamaint a böen da nossa scoula e da nos uffants.

700 Provedimaint d'aua

107 **Infrastructura Quadra Secha**

Dumonda per ün credit da fr. 45'000 per la lingia d'aua da squitsch cun idrant

Il manader tecnic infuormescha sur dal proget previs in basa al plan d'infrastructura pel areal Quadra Secha. In vista al proget previs pella nouva bacharia fa quai sen d'integrar i'l medem s-chav eir la lingia d'aua culs idrants necessaris e per amegliardar eir la situaziun da stüdafö. La suprastanza es perincletta cun quai e decida da deliberar il credit bsögnaivel da frs. 45'000.00.

861 Ütilisaziun da la rait

108 **Fits d'aua / contribuziun extraordinaria a la IBK**

Contribuziun extraordinaria a la cumünanza d'interess dals cumüns concessiunaris dal Grischun

Quella dumonda a las corporaziuns per üna contribuziun extraordinaria per cuvernar ils cuosts fin da qua pella procedura da consultaziun cha'l cussagl federal ha inizià ultimamaing. Ils respunsabels prevezzan üna contribuziun da frs. 10'000.00 pro corporaziun.

La suprastanza es perincletta cun quai.

Cuosts d'advocat, process OEE cunter ils cumüns concessiunaris

Ils respunsabels han laschà elavurar üna proposta pel scumpart dals cuosts da dret in connex culla procedura davant l'ECom süls cumüns pertocs (S-chanf, Zernez, Scuol e Valsot). Da la somma da frs. 30'585.40 ha nos cumün da surtour l'import da frs. 3'089.10.

La suprastanza es perincletta cun quai.

801 Vias champestras

109 **Surpassamaint vias champestras**

La persuna es gnüda observada als 13 da lügl 2017 d'avair parcà seis veicul sainza permiss a La Resgia, Ramosch. La direcziun vaiva decis da tilla conceder l'udida giuridica. Quai es gnü fat via telefon. La suprastanza decida da tilla punir per quel surpassmaint cun üna multa da frs. 200.00.

140 Pumpiers e pulizia da fö

110 **Corp da pumpiers / taxa da cumpensaziun / dumonda da relasch**

Il petent ha salvà ün aboccamaint cul cumandant, Angelo Horber. Quel ha declerà, chi nu saja pussibel da til ingaschar pel corp. Implü declera quel d'esser dischoccupà e cha pel mumaint nu saja sia situaziun finanziaria tant buna.

I nun es pussibel d'aderir a la dumonda pervi dal reglamaint e pervi dal pregüdi. La suprastanza decida da refüsar la dumonda da relasch. La taxa da recumpensaziun sto gnir pajada.

012 Executiva

111 **Orientaziuns**

Strasoras dals ultims dis

Il capo infuormescha sur da las boudas e las devastaziuns cha quellas han chschunà sül perimeter da nos cumün. Nus stuvaran quintar cun cuosts considerabels. Il cumün sto surtour ils cuosts per far liber las vias ed ils laviners. Per part po fingià uossa gnir dat liber la via da velos da Sur En a La Relsgia.

Quai chi riguarda la refacziun dal let da l'En a San Niclà as poja quintar cun subvenziuns. Ils dons ston uossa gnir eruits. Id es eir fatschenda dal cumün da coordinar che chi's vuol far. Quai sarà be pussibel cun ün perit chi elavurará ün proget.

In Chöglias esa acutalmaing ün lavuraint cumünal cul trax landervia da far liber la via. Il suprant, Fadri Riatsch, manzuna chi sto gnir tgnü in ögl la refacziun da la punt a Griosch. Quella sto gnir construida almain pel dubel plü lunga. Ultra da quai sto gnir examinà ün ev. proget pella via, chi ha uossa ragiunt il medem nivel sco la bouda. Quella fatschenda gnarà suottamissa a la radunanza da la società da meglioraziun Ramosch.

La via d'Uina es tantinavant rumida dal cumün da Scuol, però na amo pel trafic.

La conferenza da presidents d'eira impreschiunada dals dons chachunats illa Val d'Assa, territori da nos cumün.

Fabricat a Tschlin

Il patrun da fabrica vaiva recuorrü cunter la decisiun da la suprastanza, chi vaiva refüsà la dumonda. Uossa es avantman la decisiun dal tribunal administrativ dal Grischun. Quel ha refüsà il recuors e confermà la decisiun dal cumün.

Revisiun totala da la planisaziun cumünala

Il suprant dal dicasteri, Fadri Riatsch, infuormescha sur dal proceder da la cumischiun da planisaziun e sur dal stadi actual. Quella prevezza d'inoltrar la fatschenda amo i'l decuors dal mais avuost ad ün'examinaziun preliminar.

Ils supstants pon consultar, a partir da l'eivna prosma la documainta cul manader tecnic. Als 22 avuost es previs da salvar la sezzüda da la cumischiun da planisaziun culla suprastanza cumünala. Là preschainta il planisader sco prüm ils müdamaints previs da la cumischiun sco eir la nouva ledscha da fabrica. Davopro vain lura la fatschenda trattada da la suprastanza.

012 Executiva
112 **Varia (suprastanza cumünala)**

Da la tractanda varia nu vegn fat adöver.

7556 Ramosch, 08.08.2017



Il capo:

Il manader administraziun: